


H. 17. d

61





Song to John Breac Macloed of Harris
by Rory MacUirich

Song of a champion hunter to the Bailie
of Barra by the Laird of Wateray

The blessing of the ship by Alexander
Macdonald.


*Oran do dh' Eoin breac
Mac Leoid na Hearadh;
le Ruaridh Mac Mhuirich.*

*Oran gaisgidh seilge do Bhailli
Bharra le fear Bhattarsa.*

*Beannachadh I uinge, maille ri prosnachadh Fairge
a rinnadh do sgioba sdo Bhirlin le tighean na
chlan Raonull, le Alastair Mac Dhomnuill.*



Printed for and Sold by the Publisher, Inverary.



ORAN *do dh' Eoin breac Mac Leòid na Hearadh;*
le Ruaridh Mac Mhuirich.

MIAD a mbulaid tha 'm thaghal,
Dh' fhàg treothaid am chliamh gu goirt,
Aig na rinn mi ad dheaghaidh,
Air m' aghairt 's mo thriall gu port,
'S ann bhà mis' air do thòir.
'S mi meas gu'n robh coir agam ort,
Dheagh Mhic 'thair mo ghràidh,
Bu tu m' aidhear us m' agh. us m' olc.

Chuaidh a chùibhle ma'n cuairt.
Gu'n dò thiuntaidh gu fuachd am blàths,
Gu 'm faca mi uair,
Dun flathail na'n cuach so thraigh;
Air 'm biodh tathaich na duain,
Ioma mathas gun chruas gun chas,
Dh' fhalbh an latha sin uainn,
'S tha na taighean go fuaraidh fas.

Dh' fhalbh Mac talla-as an Dùn,
'N àm sgarachdainn dhùinn r' ar triath,
'S ann a thachair e riùm,
Air seacharan bheann san t sliabh,

Labhair eisin air thùs,
 Math mo bharail gur tu ma's fìor,
 Chunnaig mise fuidh mhùirn,
 Roumh 'n uraidh an Dùn nan Clìar.

A mhic talla nan Fùr,
 'S è mo bharail gur tùsa bhà,
 Ann an teaghlach an fhion.
 'S tu 'g aithris air gnìomh mo lamh,
 'S math mo bharail gur mi,
 'S cha b' fhurast dhamh bhi na m' thamh,
 'G eisteachd brostuinn gach cèoil,
 Ann a m' fochar Mhic Leòid an aigh.

A mhic talla so bha,
 Ann sa bhaile 'n do thar mi m' iùl,
 'S ann anois dhuinn is lèir,
 Gu bheil mise 's tu fein air chul,
 A reir do chomaiz air sgeul,
 O'n 's fear co-nuinn mi fein us tu,
 Bheil do mhunntireas buan,
 Air an friath ud ga'n dual an Dun.

Tha mac talla fui' ghruaim,
 Ann san talla 'm biodh fuaim a cheoil,
 'N ionad tathaich nan Clìar
 Gun aidhear gun mhiagh gun phoit,
 Gun mhìre gun mhuirn,
 Gun iumracha dluth na'n corn,
 Gun chuirn gun phailteas ri daimh,
 Gun mhacnas gun mhànràn beòil.

'S mi mac talla bha uair,
 'G eisteachd faram na'n duan gu tiugh,

Far 'm bu mhuirneach am beus,
 'N am dubhraih do'n ghrein san t sruth,
 Far am b' fhoirmeil na seòid,
 Iad go h orraganach; ceolmhor a cluich,
 Ge naeh fhaicte mo ghnuis,
 Chluint aca 's an Dun mo ghuth.

'N àm èiridh gu moch,
 Ann san teaghlach gun sprochd gun ghruaim,
 Chluinte gleoraich nan dos,
 'S a cèite na cois o'n t suain,
 'N uair a ghabhadh i làn,
 'S i gu'n cuireadh o's n-àrd-na fhuair,
 Le meoir f hileanta bhinn,
 'S iad go rith-leimneach, dìonach, luath.

Bhiodh a rionadair fein,
 Cuir ann fhìre gur h e bhiodh ann'
 'S e 'g eireidh na measg,
 'S an eabhadh gu tric na cheann,
 Ge do b' ard leinn a fuaim,
 Cha tuairgneadh e sinn gu teann,
 Chuireadh tagradh 'm chluais,
 Le h aidmheil gu luath 's gu mall.

'N uair a chuir i na tàmh,
 Le furtachd na fàrdaich fein,
 Dhamhsa b' f hurasta 'ghradh,
 Co m bu chuireideach gair na'n teud,
 Le h iomait dhà-lamh.
 A cuir a binnis do chach an cèill,
 'S gu'm ba shiubhlach am chluais
 A moghunn luthar le luasgan mhèur.

Ann san fheasgar na dheigh,
 'N àm teasa do'n ghreim trà nòin,
 Fir chneatain ri clair
 'S mnai freagairt a ghna cuir leò,
 Dà chomairleach ghearr
 A, labhairt 's gu'm b' àrd an glòir,
 Gu'm bu thùheach an guin.
 Air dhaoine gun fhuil gun fheòil.

Gheibte fleasgaich gun ghràin,
 Ann ad thalla gun sgath gun fhuath,
 Mnai fhionna 'n fhuilt reith,
 Cuir binnis ann ceill le fuaim,
 Le ceileirbh beoil,
 Bhiodh ealanda, ordail suaire,
 Bhiodh fear bogha na'n coir,
 Chuireadh meughaire ro mhor am chluais.

Thoir teachdaireachd uam,
 Le deatam gu Ruairidh og,
 Agus innis dhà fein,
 Cuid da chunnort ge d' se Mac Leòid,
 E bhi 'g amharc na dheigh,
 Air an Jain a dh' eug 's nach beo,
 Ge bu shaibhir a chliu.
 Cha 'n t hàgadh e n Dùn gun cheol.

ORAN *gaisgidh seilge do Bhailli Bharra le fear
Bhairsa.*

LUINNEAG.

*Ho ro mo run an 't uasal,
A dhireas suas ri cruach nan ard bbeann,
Ho ro mo run an 't uasal.*

CH AIDH mi leat do n eilein f hiadhach,
Mu chaidh bu bheag ar miosta,
Már mhith u fein 's beul na * firinn,
Bhiodh buidhinn na frithe sabhailt.
Ho ro mo, &c.

Chuir u 'n spainteach air an t shorchan,
Chaog u an 't suil 's bi suil an 't sealgair,
Dhalbh a † ghreagh nuair chual i 'n urachair,
Ach air mo laimh gu an d' f huirich pairt dhiubh.
Ho ro mo, &c.

Sin an 'n urachair a bha smiorail,
Rinn i tàirneineach is tòiriunn,
Ghuais creagan is mointeach Bhara,
Chaidh crith air fearrunn chlann Raonail.
Ho ro mo, &c.

* *His Gun.*

† *A flock of deer.*

Bha mi latha leat air àstar,
 Gun ghùnnadh gun chuillobhair aguinn,
 Chùnnaic sinn treiseag 'bh uainn baidnein,
 Mur gu 'm biodh gaisgich am blàr ann.

Ho ro mo, &c

Nuair a thainig sinn ga'n iunnsaidh,
 Bha'n so na feidh ann sa bhuireadh,
 Thug iad iunnad 's thug u iunnta,
 'S bha buidhinn nan stuc cheann craiteach.

Ho ro mo, &c.

Ach air mo laimhse 's air mo phaidir,
 Na saoilibh gur breug tha agam,
 Seachd daimh 'o 'n do spion u na càbair,
 A mullach an claignibh arda.

Ho ro mo, &c.

Gu'm be sin a chulaidh eagail,
 Ri càth a lèinidh's a peiteig,
 Dheanadh e a bhogan do chreagan,
 'S na croic na 'n eabar fo shailtean.

An chuid bha beo gun thàr iad as uait,
 Air an dalladh thuit le sgralpuibh,
 Gun d' att an sùilean fo 'n rasguibh,
 Le slachd bhuillean bras a bhaili.

LUINNEAG.

*Ho ro mo run an 't uasal,
 A dhìreas suas-ri chruach nan ard bheann,
 Ho ro mo run an 't uasal.*

*Beannachadh Luinge, maille ri prosnachadh Fairge
a rinneadh do sgioba sdo Bhirlin le tighearna
chlan Raonuill, le Alastair Mac Dhomnuill.*

GAM beannuiche Dia long chlànn Raonuill,
A cheud a do chaidh air saile,
E fein sa thèin-fhir da caitheadh,
Trein a chaidh char matheas chàich,
Gam beannuich an comb-Dhia naomha,
An iunrais anail na speur,
Ga sguabadh a garbhlach na mara,
Gar tarruing gu cala rèidh
Athair a chruthaich an fhairge,
'S gach gaodh sheideas as gach aird,
Beannuich air caolbhairc 's air gaisgich,
'S cum i fein 's a gasraidh slàn,
A mhic beannuich fèin ar n'achdair,
Ar siuil ar beairtean 's ar stuir,
'S gach dromp tha croichte ri'r crannaibh,
'S thoir gu cala sinn le t iul,
Beannuich ar rachdan 's ar slatt,
Ar crainn 's ar taoidibh gu leir,
Ar stagh 's ar tarruing cum fallain,
'S na leigs an ar caraibh beud,
An spiorad naon h bidhi air stuir,
Seolaidh e an riùl a bhios ceart,
Seol da gach long-phort fuidh n ghrein,
Tilgimid sin tein fui d' bheachd.

CRIOCH.

